


1243

Early European Books, Copyright © 2011 ProQuest LLC. Images reproduced by courtesy of The Wellcome Trust, London. 828/A/2











285466 869. BESSON, Jacques, Dauphinois. Art et moyen parfaict de tirer huyles et eaux de tous medicaments simples et oleogineux. 31 leaves. With 8 woodcuts (stills) and printer's device. 8vo. Boards. Paris, Galiot du Pré, 1573. Brunet I, 830. Rare book on medical distillation.



Early European Books, Copyright © 2011 ProQuest LLC. Images reproduced by courtesy of The Wellcome Trust, London. 828/A/2



Early European Books, Copyright © 2011 ProQuest LLC. Images reproduced by courtesy of The Wellcome Trust, London. 828/A/2

ART ET MOYEN

PARFAICT DE TIRER HVY-

LES ET EAVX, DE TOYS

Medicaments simples & Oleogineux.

Premierement Receu d'un certain Empirique qu'ons estimoit Alleman, & depuis confirmé par raisons & experiences.

Nouvellement corrigé & augmenté d'vn second Liure, par Iaques Besson, Daulphinois, Professeur és Sciences Mathematiques.



A PARIS.

Pour Galiot du Pré, Rue S. Iaques, à l'enseigne de la Gallere d'or.

2573.

EXTRAICT DV PRIVIlege du Roy.

DAR grace & Prinilege du Roy, donné à Orleans, le 27. iour du moys de luing. 1 56 9. Signé Brulart : il est permis à maist re laques Besson, professeur és Sciences Mathematiques, de faire imprimer, par tel Imprimeur qu'il choisira, tous & vn chacun les Liures, par luy compose? & mentionne? esdictes Lettres: pour d'iceluy privilege iouyr paisiblement, pendant le temps & espace de dia ans, a commencer du sour & datte, que chacun Liure sera acheue d'imprimer : & deffences fai-Etes à tous Libraires & Imprimeurs, d'iceux Liures imprimer, ou faire imprimer, pendant ledict temps de dix ans. Suyuant lequel Privilege & Octroy, ledict Besson & permis & permett à Galiot du Pre, marchand, Libraire iurc de l'Vniuersité de Paris, d'imprimer ou faire imprimer, vendre & distribuer pendant ledict temps de dix ans, le Liure par luy compose en intitule Art & moyé parfaict, de tirer Huylles & Eaux, de tous Medicaments simples, & Oleogineux. Premierement recen d'vn certain Empirique, qu'on estimoir Alleman: & depuis cofirmé par Raisons & experiences. Nouvellement corrigé & augmenté d'vn second Liure. Le tout suyuant les peynes indictes esdictes Lettres de Privilege.

Æ

HAVLTET PVIS

SANT SEIGNEVR, MONSEI-GNEVR FRANÇOIS, DYC DE Montmorency, Cheualier de l'Ordre, & Lieutenant pour le Roy, en l'Isle de Fran-

ce, &c.



18

0

1334

on seigneve, C'est chose certaine, que les sciences en general, & tous ceux qui en fonc profession, entre les trauerses qui ordinairement seur aduiénent, ont cela de bien, que ia-

mais ilz ne sont cogneuz, prisés, ne remarqués que par l'addresse & conduicte des hommes illustres & genereux, qui aymans les sciences, ainsi qu'il est requis, les cherissent & fauorisent en temps & lieu. Chose, certes, qui euidemment & de soy-mesme demonstre assez & nous faict cognoistre, que come les hommes ont cet heur d'estre bien naiz, & sont esseuz en hault degré & dignité: aussi doibuent-ilz caresser la Vertu, qui est la vraye marque de leur Noblesse. Ce que ie dy (Monseigneur) se peut remarquer en vous: Car non seulement vous delectés en toutes honnestes Disciplines & Sciences: mais aussi fauorisés & aymés ceux, qui les pratiquet & en-

Aij

EPISTRE.

seignent. en quoy faisant, ilz se sentent (comme moy) grandement voz obligez & tennz. Et ofe dire d'auantage, que aués esté la voye & le moyen, que moy (homme de nulle qualité & renommée)ay éu cet heur, d'auoir péu treshumblement & de prés, saluér mo Prince souuerain & bon Roy: auquel (vsant enuers moy de vostre benignité accoustumée) aués faict entendre qu'il est impossible, que ie puisse profficer au public, & subuenir aux fraiz qu'il me conviendrafaire, pour mettre en euidence mes Oeuures & Inuentions de Mathematique, sans estre Inberalement aydé & entretenu de la Majesté. De cette Recommendation (Monseigneur) i'ay ja senty vn tel comencement, que esperant en Dieu, au Roy, & vous : ie recepuray en brief, le bien & contentemét que i'en ay desiré & esperé:afin de servir de tous mes moyens, & le reste de ma vie, à nostre Nation Françoise & Posterité. Ce pendant (Monseigneur) ne voulat estre noté du vice d'Ingrantude enuers vostre vraye Noblesse: desirant d'autre-part, vous donner recreation & plaisir en la varieté des Scieces, esquelles, quand auez quelque peu de loyfir vous delectez. l'ay entreprins vous dedier, & faire present, de cestuy mien petit Oeuure, contenat en soy l'Art, & Moyé parfaict de distiller Huylles & Eaux des simples Oleogineux. Et ce d'aurant, qu'il m'a semble n'avoir esté improuvé par aucune sommaire Lecture, qu'en ont fait particulierement plusieurs Medecins doctes & sça-

mans: & entre autres, mosseur de Masilles: personnage, certes, grandement recommendable, tant pour les rares Versuz & Doctrine qui sont en luy, comme ayant esté cogneu fidele & loyal, il a éu ceste Faueur, d'estre substitué & choisy (apres le decéz de monsseur Chappelain) pour Premier, tres-humble Medecin & seruiteur du Roy, ainsi que cognoissez qu'il en est digne. Or Monleigneur, Puis-qu'ainsi est, que ce petit œuure, a ia esté approuué des estranges Nations par le moyen de l'Impression Latine, qui en a esté publiée & receue: & que d'autre-part l'ay esté instigué & requis d'iceluy renoir & traduire en vulgaire François. Il m'a semblé tres conuenable de l'augmenter d'vn second Liure, afin que ceux, qui se delectent en telles Sciences, en puissent receuoir le fruict qu'ilz en esperent. Et pource (Monseigneur) apres que i'ay dressé ma veuë sur ceux, qui portet faueur à tous studieux de Disciplines, ie n'ay rencontré homme, qui en ardeur de les auancer vous puisse égaler, ie me suis rengé vers vostre debonnaireté & clemence, à fin de vous rendre tesmoignage du grand desir & affection que i'ay, de demourer à tousiours-mais.

> Vostre tres-humble & obeissant seruiteur, Iaques Besson, Daulphinois.

> > A iij

L'IMPRIMETR AVX Lecteurs.

MYS Lecteurs, ie vous ose persuader, que si departez quelques heures à la lecture & pratique du contenu en ce petit œuure, vous ne perdrez ne vostre temps, ne voz peines: d'autant que vous en pouués receuoir non senlement vn singulier contentement d'esprit, mais aussi vne vtilité grande : comme estant party des mains d'vn Autheur, certes, autant versé és scièces Mathematiques que autres, qui soyent de ce temps: comme il vous peut estre, & est apparu par l'Edition, qu'il a dernierement faicte, du Liure par luy composé & intitulé [Cosmolabe, ou Instrument vniuersel.] Par lequel il demonstre toutes les observatios, qui se penuet faire par les Scieces Mathematiques, tat au ciel, en la Terre, come enla Mer: Ensemble, d'vn autre non moins recomendable, traictant de la maniere de trouuer seurement les Eaux & Sources, qui sont cachées soubs terre: En-quoy faisant, il a impetré & obtenu cette faueur & commandement du Roy nostre Sire, de luy bastir & dresser vn autre sien œuure, declaratif de diuerses Machines & Inuentions Mathematiques, fort recommendables & necessaires à nostre Republique, Et afin de ne rester oysif & in-vtile, pendant le temps qu'il ordonne & prepare les Figures necessaires audict œuure, il s'est aduisé de reueoir, corriger, & augmenter d'vn second Liure, ce petit Opuscule traictant l'Art & Moyen de distiller Huylles & Eaux des simples Oleogineux: Et de ce, il vous fait vn present, auec telle protestation qu'il ne desdaignera de le vous enseigner & faire pratiquer par raisons naturelles & euidentes. Voire (aidant Dieu) vous fera iouyr en brief, d'autres siennes & tres-recommendables inuentions de Geometrie. Adieu, De Paris, ce 8. de Decembre. 1570.



ART ET MOYEN

PARFAICT DE TIRER HVY-

LES ET EAVX, DE TOVS

Medicaments simples & Oleogineux.

Premierement Receu d'un certain Empirique qu'on estimoit Alleman, & depuis consirmé par raisons & experiences.

Nouuellement corrigé & augmenté d'vn second Liure, par Iaques Besson.

LIVRE PREMIER.

Catalogue des Herbes, Semences, & Aromates, desquelles on peut tirer leurs Huylles.

S'ensuyuent les noms des Herbes.



nize

Remierement, entre les Herbes on peut tirer de l'huille du Rofmarin, du Serpollet, de la Rue, de la Calamente, de l'Origane, de la Lauende, de la Camomille,

de la Sauge, de l'Ysope, du Basilie, du Spica d'Indie, de l'Ache, de l'herbe appellée Stochas arabica, de la Serriette, de l'Absinthe, de la Li-

A iiij

Art & moyen

ragne, de l'herbe nommée qua-arthritica, de la Saume, qui sert à la deliurance des Femmes qui sont hors d'espoir d'Enfantement: & secutivement de toutes Herbes, qui sont de temperament chaut & sec, & qui sentent bonne ou forte Odeur.

s'ensuyuent les noms des Semences.

E les de celles de fenoil, de celle d'Anis, de celles de Siler-montanum, de celle de Comin, de celle de Persil, de celle d'Amomum, de celle d'Anet, de celle de Santonicum, de celle de Nigella-nigra, & alba: de celle de Poissiette, & de celle de Carrottes sauvages, & de beaucoup d'autres Seméces ayants bonne odeur, ou forte,

S'ensuyuent les noms des Aromates.

Ela Canelle, du Poiure-noir, du Clou de girosse, de l'escorce de Muscade, du Costus-odorarus, de l'Angelique ou Imperatoire, de la Galangue, de la graine de Paradis, de la noix-muscade, du Gingébre, des Cubebes, du Cyprez. Ité de beaucoup de Graines, côme de celle de Laurier, de celle de Geneure, & de celle de Sauine, & des escorces de Citron, & d'Oréges: & beaucoup d'autres semblables choses Aromatiques


De tirer huylles & medicam simples. De la matiere, Forme & mesure du Fourneau.

CHAPITRE PREMIER.

A matiere du Fourneau, faut qu'elle soit de Briques, telle qu'on vse à bastir l'uirs en cer tains pais, c'est à dire: Rondes aucunement: pour le moins par le dedans, desquelles la largeur est coustumierement de huich doigts. Et quant à la longueur, & espaisseur, selon qu'il plaist à l'Ouurier. Ces Briques doc, composées en montant l'vne sur l'autre à la forme & art de Maçonnerie, feront (pour le moins par là dedas) vne Capacité egalle & ronde : de laquelle Capacité, le Diameire en cet affaire, ne doibt estre moindre d'vn pied : & la hauteur ne doibt surpasser trois piedz. Or toute la hauteur dudict Fourneau, doibt auoir trois espaces : dont le premier doibt auoir vn pied : le second enuiron vn demy pied: & le tiers, tout le reste du Fourneau. Au haut du premier estage, doibt estre mise vne grille de fer, contenant tout le Fourneau par dedans, & au haut du second estage pareillement deux verges de Fer distates l'vne de l'autre de quatre doigts. Et puis au bas du premier Interualle, & aussi vn peu plus hault que la grille, au second estage, on doibt faire deux ouuertures carrées, auec leurs couuercles, à la façon d'vne gueule de Four. Et quand on voudra tirer les cendres, qui tombent de la grille située

Art & moyen
au dessus, Chose qui est fort necessaire) il fauldra ouurir la bouche la plus basse & par la haute, ietter les Charbons, & allumer le seu. D'auantage, à la haute yssue du Fourneau, à la part
la plus commode, on doit lasser quelques autres pertuits, pour lasser sortir la Fumée. Et cecy
susside auec la presente painture, touchat la matiere, sorme & mesure du sourneau. La Grisle,
qui est monstrée par la lettre A. doibt estre mise
au sourneau par dedans, à l'endroit de l'autre A.
& les verges de ser, B. à l'endroit de B.

Pourtrait, forme, & mesure du Pourneau, duquel



De tirer huylles & medicam.simples. 6
Du Nombre, Qualité, & Quantité des Vaisseaux
necessaires au present Art de
Distiller.

C H A P. 1.

a part

I Lest besoing, qu'il y ait que tre Vaisseaux: Le premier, faut qu'il soit de Terre, telle qu'elle dure long temps au Feu: & que sa forme soit semblable à vne sigure Conique, rognée par le haut, ainsi que la lettre A le demonstre. Combien toutes sois

qu'il doibt estre moyennement en-

flé par le millieu de sa grandeur, cóme s'il ressébloit à la forme & sigure d'vn œufFinablemet, que toute sa grandeur accorde (&
principalement en hauteur,) auec le trossessée & dernier estage du Fourneau. Et quat à la largeur de son ouverture, saut qu'elle convienne
auecq' les bords de la gueulle du Fourneau: &
pareillement, que la largeur de son sonds, ayt vn
peu plus grande espace, que ne sont distantes les
verges de Fer l'vne de l'autre, attachées à travers
vers la sin du second intervalle du Fourneau: asin que ledict Vaisseau puisse estre là dessus mis
& colloqué fermement.

Le second, qu'il soit de Cuiure, & que sa Figure (comme on dit) soit^B Ouale: vn peu rongnée par le Sommet, ainsi que pouués veoir en ceste seconde Figure B. Toutes-sois, il a



Art & moyen d'auarage le Col estédu, en uiro de quatre doiges sur l'endroit de la Rogneure, comme la lettre C. le demonstre en la secode figure, Puis ce Col, au bord d'en haut vers sa gorge, doibt estre en equarre, enuiro d'vn doigt & demy, sinsi que demostre la figure, D. Or'à tout le Vase, on doibt appliquer vn chapiteau, qui ne soit trop petir, duquel la Figure doit estre quasi comme vne demie Boulle creuse, & à l'endroit qui ressemble dessouz du Front au lieu du Nez, doit auoir vn Tuyau, qui soit moyennement encliné, & doibt estre conioinet & souldé entre son Col (lequel est aussi destiné, & attribué audict Chapiteau) & ledict Fonds. La forme doc sera telle que E. figure presente le demostre. Puis E de peur de mettre en oubly, il est & besoing que ledict Chapiteau ayt

de peur de mettre en oubly, il est besoing que ledict Chapiteau ayt Cuivn bord eminent, de la mesme matiere de ue le ure, sondé & compassé vn peu plus bas q pre-Nez, qui a esté mis à la gorge du vaisseau l'en cedent, par le moyen que F. suyuate figure seigne: dont s'ensuyt, que tel col du Chapiteau, emboissé dans le col du Vaisseau predict, bouchera iceluy vaisseau par telle maniere: que au dedans la capacité de son col, il recepura instement le col dudict chapiteau: & ce de reches en telle façon, que le bord remplié de l'ouuerture dudict Vaisseau, responde & s'accorde par vne ligne Orbiculaire, auec le bord eminent du cha-

De tirer huylles des medicam.simples. piteau, à la forme qu'icy apparoit par la lettre G. Finablement, la grandeur de tout ce Vaisseau doibt convenir tellement, avec la capacité du premier Vaisseau de terre, qui est dedas le fourneau, qu'il y ayt de distance entre eux-deux, enuiron deux ou trois doigrs: & en hauteur, q ledict Vaisseau de Cuiure surpasse de tout le 6 chapiteau, (& d'enuiro huit doigts) celuy de terre: comme la figure H. fuyuante le monstre. Le troisiesme, faut que soit vn To-G neau de moyenne grandeur, & qu'il n'ait qu'vn Fonds. Le quatriesme, sera le vaisseau Recipiant, c'està dire, qui recepura la Matiere distillée, & faut que soit de Verre: à cause de sa clairté & netteté, & poinctu par le bas, auec vn petit pertuis cimenté & mediocrement grand, comme la figure I. le demonstre. I Et voilà, ce qui est necessaire de dire, du Nombre, Qualité & Quantité des Vaisseaux requis pour Di-Stiller.

100-

Art & moven

Du moyen qu'il faut tenir, pour disposer la Matiere, que il convient distiller: & comment il faut colloquer les Vaisseaux l'vn auec l'autre: & de l'ordre & suytte qu'il fault tenir en Distillant.

CHAP. 3.

Remierement, il faut que la matiere soit tellement pilée, qu'elle ne deuienne ny en poudre, ny en parte : mais en petis brins : & ce, par le moyen & art des Apoticaires : à sçauoir en la pilant & passant grossement par vn Crible. Puis la matiere ainsi preparée, la faut ietter dans le vaisseau de Cuiure, messée auec certaines mesures d'eau de Fonteine: à sçauoir pour equipoller deux liures pesant de matiere, y mettre enuiron dix-huict liures d'Eau Cecy fait, faut mettre le vaisseau de terre, das le Fourneau, sur les deux verges de fer: & accompler auec de l'Ar gille pilée & pastée, le bord dudict vaisseau de terre, auec le bord du Fourneau. En apres, faut mettre le vaisseau de Cuiure, bien bouché dans celuy de terre, en relle mamere toutesfois : que d'vn fonds à l'autre, il y ait vn entre deux, enuiron de deux ou trois doigts. Lequel entre-deux, faut qu'il soit remply de Sablon pur & net, iusques au haut de tout l'entre-deux des deux vaisseaux: Voire-mesme si on veut, iusques au col du dict vaisseau de Cuiure. Finablemet, on doit tourner le nez du chapiteau, vers la dextre ou se nestre partie du Fourneau, pendant qu'il couure

Yes

00


101

De tirer huylles & medicam.simples. ledict vaisseau de cuiure: puis convient boucher diligement de paste, de Bol armeni, & de drappeaux le Bord eminent dudict chapiteau, aucc la replieure du col dudit vaisseau : & apres cela faut appliquer prés du Fourneau, vn Tonneau n'ayant qu'en fonds, vers la part que est tourné le nez du chapiteau, lequel il conuiendra percer obliquement, & viz à viz: & selon l'inclination qu'a le nez du chapiteau. Et puis passer & accou pler vn Tuyau d'estain par les pertuitz dudict Tonneau, lesquelz il faut boucher en haut à la partie ou il est ioinet auec le nez du chapiteau : & en bas, auec le col du vaisseau Recipiant, qui est de Verre. Finablement, sera emply le Toncau d'eau froide: & par tel moyen, la plus grade partie de la besongne sera expediée. Il restera seulement, qu'on allume les charbos, qu'on aura mis sur la grille, insques à tant que la matiere qui est dedans le vaisseau de cuiure aucc l'eau de Fontaine bouillonne, & qu'on entretienne tel feu, iusques à tant, que les vapeurs de la Distillation passans par le Tuyau, qui trauerse le Touneau, soyent toutes espaissies les unes apres les autres: c'est à sçauoir, par la froideur de l'eau, qui est dedans le Tonneau: & que toute la Liqueur qu'elles portent, & qui est dedans le vaisseau de cuiure soit escoulée dans le vaisseau Recipiant. Et le signe de tel effect sera cogneu, quand on verra que de dix-huict liures d'Eau (ou enuiro) on en aura receu dix. Lors il faudra cesser : car de poursuyure plus oultre, n'est besoig: de peur

Art & mayen

que la Matiere qui est dans le vaisseau de Cuiure ne s'enflamme. Or quant à la suytte, & à l'ordre, qu'en la Distillation on doibt tenir, iceluy soit semblable à ce qu'on observe en distillant l'eau de Vie. C'ett, qu'il n'y ayt quasi aucune espace du tumber d'vne Goutte à l'autre. Et partant, en peu de temps & par tel moyen, tout le vaisseau de Cuiure se vuyde, & peu souvent demeure il plus long temps à ce faire, que de six ou sept heures: si la Matiere dy ie (comme auos touché) convient en sa pesanteur, auec l'eau dit vaisseau. Comme de deux Liures, à dix-huict. Desquelles choses il est notoire, qu'il faut tellemet gouverner le Feu, qu'aucunes-fois il le faut diminuer (principalement au Commencement, & lors que tout est desia eschauffé:) & vn peu apres accroiftre, afin que la Teneur predite de la Di tillation, soit routiours gardée. Et cecy suffira auec la Figure icy representée, touchant la maniere de disposer la Matiere qu'il faut distiller, & de colloquer les Vaisseaux, & de la suyre & ordre qu'il faut tenir en Distillant.

De tirer huilles des medicam, simples.



De l'industrie qu'il fault tenir pour separer l'huille, d'auec l'eau qui à esté distillée auec elle, quand ils ont esté ensemble reduits dans le vaisseau Recipians CMAR. 4°

Pour separer l'Huille de quesque matiere que ce soit, qui auta esté distillée d'auce l'Eau, par le benefice de laquelle la Distillation en à esté faicte: il fault premierement entendre, que l'huylle qui aura esté distillée, est vne liqueur: & que par ce moyen, & par la force de l'Eau bouillante, elle aura esté separée, & destracinée de la matiere, & conseruée auec icelle, & conduicte dans le vaisseau Recipiant: & que pour ce, l'Huille sea tousours auec leau: no pas

Art & moyen.

toutes fois, tousiours en la superficie d'icelle: car somentefois elle est au fonds, quelquefois pessemesle. Si l'Huille est plus pesante en egale mesure que l'Eau, elle sera au bas, S'il aduient que l'huille soit par froideur congelée comme en Nues, & comme en petis brins de Laine : lors elle sera messée auec l'eau. De rechef l'huille ira au fonds, si elle est faicte d'une espaisse substace, & bien amassée : comme est celle de Canelle,& de cloud de girofle, & de beaucoup d'autres cho ses semblables. Et les Huylles qui confusément, ce pendant qu'elles l'espaississent par Froid vont atrauers l'Eau: ont l'Huille d'Anis, & de Fenoil: & ce, pour vne certaine proportion qu'elles ont auec le poix de l'Eau. Et ne faut point qu'aucun subitement vienne dire le contraire, car l'experience qu'on en faict tous les iours, en rend assez suffisant tesmoignage. Ces choses donc bien entendües reste encor pour separer l'Huylle d'auec l'Eau qu'il a portée auec soy. Or pource faire en premier lieu, fault mertre peine que le vaisseau Recipiant (comme desia à esté dict) soit vn peu poinctu par le Fonds : & qu'é face vn petit Pertuitz auec plusieurs coups de la poincte d'vn cloud, ou poinçon açeré, & qu'on bouche (durant la Distillation) diligemment ledict Pertuitz auec Ciment. Puis apres que l'Eau & Huille seront distillées. & qu'on les aura mis quelque espace de réps refroidir à l'Air sur vn Trepied : qu'on regai de ententiuement dans le vaisseau recipiant, en quel lieu dans l'eau De tirer huille des medicam. simples

创机位

e melu-

the que

me en

relle. &

Ment,

COOL:

30 0 0

加加。

1 33

Ce qui sera aisé à veoir, pour la dimersité de couleur. Que si l'huylle est au bas: qu'on oste le Ciment, qui est au pertuits du Vaisseau recipiant, & à l'heure ladire Huylle se verra dedas le Vase, auquel on voudra qu'elle soit, le mettant au droit du Pertuitz: & l'Eau demeurera dans le vaisseau recipiant, si en bouchant le Pertuis on la veult garder. Et si d'aussi

Pertuis, on la veult garder. Et si d'auéture l'Huyl le au contraire, est au dedas en ouurat de rechef le Pertuitz, toute l'eau sortira & l'Huylle demourra dedans le vaisseau Recipiant, si ce n'est, que d'auenture par imprudence, on verse l'huille le plus vistement dans le vaisseau opposite, que dedans la Phiole: à quoy il se faut bien prendre garde. Or si l'Huille auec l'Eau qu'il a por tée, deuient comme en Nuës, & petits brins de Neige: il fauldra faire couler toute l'Eau par va Linge, & ce dy-ie en vn Air frais, & apres que la Distillation serarefroidie. Puis l'Huylle estant amassée dans le Linge, sera aisé de la prédre auec vn cousteau, & de la mettre dedans vne Phiole; & finalement, de la reduire si besoign est, en vne Liqueur subtille par moyenne Chaleur, en la mettant au soleil ou sur des Cendres chaudes. Dauatage on peut par beaucoup d'autres moyes separer l'Huylle d'auec l'Eau qu'il a portée, lequel nous pourrions adjoufter finous voyous

Art & moyen

qu'il sut necessaire, ou si Ceux que nous auons aut, dessailloient en quelque chose. Comme par exemple, auec vn Entonnoir de Verre, mettant le doigt vers sa Poincte & au dessoubs: & faisant par plusieurs sois le semblable, qui a esté saice par le Recipiant à sçauoir, en versant la Liqueur dedans le dict Entonnoir. Item cela se fera par le Sucçement de l'eau du Recipiant, qui laissera l'Huille au Fonds: ainsi qu'il est icy desiné. Es cecy suffise touchant l'industrie, qu'il faut tenir pour separer l'huille d'auecl'Eau, qu'il a portés dans le vaisseau Recipiant.



Exceptions des Reigles
susdictes.

Premiere Exception.

I fault qu'vn chacun entende, que nou sauss parlé susques sey en general, de la matiere de tirer Huylles de tous Simples sus nommez:

De tirer huilles des medicam.simples. d'autant que les dites choies generales, ne parlét aucunement ny comprennentles Distillations, ausquelles y a plus ou moins de Matiere, que n'auons dict selon laquel e on doibt en proportion faire le Fourneau plus grand, ou plus petit, que nous n'auons fair cy-denant, en l'Exemple proposé. Et pareillemet le vaisseau de terre, & ce luyde Cuiure, & augméter l'Eau qu'o y mer, ou en diminuer en gardant au reste la Forme de tout ce qui a esté dict. & observant le temps requis à la distillatio. Mais toutesfois sera vne chose facheuse, si on ne reçoir guere d'Huille. Car en diminuat la Matiere de deux liures, en certaines choses: on ne recepura à grand peine dix gourtes d'Huille. Et au contraire: accroissant la Ma-. tiere: la longueur du téps aussi ennuyra. Et pour ceste cause, avons choisila predicte quantité de Matiere, & d'Eau en uiron dix hui& liures: auec la forme des Vailseaux requis, l'ayant maintes. fois experimenté: afin qu'elle fut comme vn reglement, à quiconque voudroit Distiller plus grandes ou moindres quantités, que la predicte quantité, si la necessité & voloté du Distillateur, le requeroit.

動加

Exception Seconde.

D'Auantaige, faut aussi excepter cecy, c'est que quad on voudra extraire huille des ner bes, selo la raiso predicte: on y dont appliquer vis Bii Art & moyen

beaucoub plus grand Vaisseau de Cuiure, &y mettre d'auantage d'Eau, qu'on ne faict aux Semences, & Aromates: & fault aussi ajancer ledict vaisseau de cuiure, dans le Fourneau, sans celuy de terre, & sans le Sablon. On ne laissera toutes-fois, d'apliquer l'Argile petrie, tout a l'en-Your d'iceluy, & du bord du fourneau. Car tant seulement aux Distillations des Semences & Aromates, est requis le Vaisseau de terre, & le Sablon entre-deux: dautat qu'elles sont de plus de licate & menue Substance:tesmoing leur grade chaleur & secheresse: & que la Mattere qu'elles rédent est plus delicate & plus ferme. Et pour ceste raison, la force du Feu, pourroit aucunement troubler leur parfaicte Distillation. C'est à dire, feroit que de la distillation sortiroit vn peu trouble, mesmes au commencement, si on ne la moderoit, par ce-quon met entre-deux: àscanoir le vaisseau de terre & le Sablon.

Or, en la distillation des Herbes, est besoing de beaucoup plus grand vaisseau de cuiure, & de plus grande quantité d'Eau: d'autant que les Herbes en egal poix occupent plus de lieu que

ne font les Semences & Aromates.

Car lesdictes Herbes, ne sont pas si amassées en elles, ains plus espanduës. Et pourtant, elles requierent aussi en proportion d'auantage d'Eau, de peur qu'ellles ne brussent dans le vaisseau de cuiure. Et cecy suffise, touchant les Exceptions des predictes premieres Regles.

CHAP. 5.

alen-

ON peut former beaucoup de Questions, sur les choses que nous venons de dire, les quelles selon nostre pounoir, nous dissouldrons par ordre. Dont la premiere est.

gure ronde? Afin que le Fourneau soit de sigure ronde? Afin que le Feu porté en hault, aille par tout en plus Egale mesure. Ce qui ne se feroit pas, s'il estoit Angulaire: à cause que la separation des Angles, dissoindroit la force du Feu.

Pourquoy fault-il, qu'il y ayt dans le Fourneau, entre la Grille & les verges de Fer, vn
Espace, d'enuiron demy Pied? Pourquoy
aussi a-on faict la forme du Vaisseau de Terre,
semblable à vne figure Conique rongnée, &
renuersée, ou à vne Ouale? Cecy a esté faice
premierement, asin que les charbons eussent
mieux leur lieu conuenable. Secondement,
que le Feu eust aussi sa place accommodée:
asin qu'estant mieux amassé, il peust plus actiuement eschausser la Distillation qui est au dessus. Or'il est ainsi amassé entre les costez, &

Biiti

De tirer huilles des medicam. simples. Concatiué do Fourneau, & la connexité du Vaisseau de terre, d'autat qu'au commécement ayant plus de force, il trouue aussi plus de Place, à cause que le fond du Vaisseau de terre, est estroid. Et vers la fin, lors que sa force diminue, il trouue aussi espace, pour le grand essargissemét dudict Vaisseau de terre.

Pouruoyaussi, est le vaisseau de Cuiure, presque tout semblable,2 vnefigure Quale? Dautant que ceste figure, pour sa rondeur, est plus capable. Et d'auantage, ceste rondeur conioincte auec la Hauteur, est plus propre à toutes Concoctions: comme mesme on peut veoir das le ventre de quelques Animaux, qui ressemblét

quasi en tout, à ceste Figure.

4. Pourquoy a-on faict, le chapiteau du vaisseau de Cuiure, de moyenne grandeur, & semblable presque à vne demy Boule? On la faict de moyenne grandeur, de peur que les vapeurs de l'Eau, & de la Matiere distillée, estant montées au haut dudict Chapiteau, ne fussent trop pressées, à cause de leur grande quantité, & aussi pour la petitesse du Percuitz du nez du Chapiteau, par où il failloit qu'elles sortissent: & que pour ceste raison les dictes Vapeurs motas tousjours:ne se bruslassent elles-mesmes. Or' on la faict semblable quasi à vne demye Boulle creuse non pas poinctu, comme font plusieurs: àfin que les Vapeurs eschauffées, & retirées dans la moyenne Hauteur, peussent plus egalement & soudainement, sortir par le nez du Chapiteau,

Art & moyen

13

& couler dans le Recipiant, par le long Tuyau. Ce qu'il ne pourroit faire estant le Chapiteau poinctu, d'autant que ceste Forme là, ne seroit pas proportionée au reste du Vaisseau, si on examine diligemment la Mesure, Figure & capacité d'iceux. Voire mesme, telles vapeurs estans amassées dans le haut du Chapiteau, s'il estoit poinctu: oultre ce qu'elles ne pourroient, qu'auec dissicult é descendre dans le Bec, pour la grade distance, qu'il y auroit entre deux, seroient retenües longuement là dedas, & se brusser eyent les vnes les autres.

Alle (i

Spiles .

othe.

on le Tonneau dans lequel est cet Eau qui espessau dessus le Chapiteau de Cuiure & en telle maniere que

demonstre la Figure: & comme aussi plusieurs ot de coustume de faire, plustost pres que loing d'iceluy comme vous dictes failloir saire pres, d'autant que les Vapeurs l'espessiroient deuant que sortir par le Tuyau: & puis retombant dans le Vaisseau, de rechef se resouldroient: & ainsi s'espessiroient souvent, plus-tost que de sor tir aisément: dont pour continuelle Ebulition, peu de Vapeurs paruiendroient dans le Recipant. Et par consequent, on tireroit moins d'huil-

Art & moyen.

第代初

Cht

men

YN

tul

pa mi

le, en quelque proportion de la Matiere proposée, qu'ainsi, que nous faisons: & mesme ce qu'é en receuroit seroit aucunement vicié par combustion.

6. Pourquoy n'auons nous detrempé la Matiere, qu'il fault distiller dans l'Eau de Fontaine, deuant que la faire distiller? Pour-ce que cela, m'a semblé supersu, & d'autant que ie la braye & pille: ce qui sert autant, voire plus, que le detrempement sans piller: & oultre-plus, on a plus-tost expedié l'affaire. Que si ce pendat par imprudent conseil, au lieu d'Eau pure on se sert de Vin-blanc ou d'eau de Vie: en ce, on fauldra grandement. Car on consondra & messera les propres odeurs & saueurs des huilles, auec autre chose. Cest qu'on les gastera par les saueurs & odeurs propres dudict Vin & eau de Vie.

7. Pourquoy en cet Art, n'vsez vous aussi de putresaction, en sumier de Cheual, ou en Terre ou en Cendres chaudes, pour en dissiller en apres la Matiere: en gardant au surplus, les Moyens que dessus, & asin qu'on puisse tirer plus d'Huille? Dautant qu'il ne se peult saire, que l'Huille, qui a esté distillée apres vne Putresaction, ne soit aucunement viciée. Car la Matiere estant pourrie, il est impossible, que l'Huille n'en sente quelque chose, veu qu'elle est vne partie de la Matiere. Et cecv est euident, en ce que si tel Huille, ne se corrompt incontinent: elle a de coustume

De tirer huille des medicam. simples. 14
meant-moins, se corrompre aucunement, dans
quelque espace de temps, plus que les autres,
sans putrefaction distillées. Et pour conclusion,
à grand peine reçoit-on deux ou trois gouttes,
par maniere de dire, plus d'Huille par le moyen
que par la simplicité du nostre.

8. Pourquoy doncq, sans benefice de la Liqueur interne de l'Eau, n'vse on d'un moyen de Distiller, encore plus simple, qu'on appelalé, BALNEVM MARIÆ, à sçauoir, enmettant l'Eau bouillante, à l'entour du vaisseau de Cuiure, par vn grand Chauderon: non-pas

dedans iccluy?

mine,

250/2,

abraye

D'autant que la Distillation, en seroit plus longue, qu'il ne fandroit: & n'en seroit en rié plus, recommendable Car le BALNE-VMMARIA, procede lentement, & l'Huille attire tousiours à soy, quelque cortuption, si on est trop longà lœuure. Principallement, si la Matiere n'est poinct de soymesme humide: & auec cela, à grand' peine l'Huille par ceste raison, peult elle monter, pour venir dans le Recipiant: d'autant, que la force luy default pour ce faire, à cause, que l'Eau bouillante, ne leur peut tant inciter, que nostre Moyen susdict.

g. Et pourquoy ne se seruira-on aussi tost pour distiller, du Moyen que les distillateurs nommét Per descensum, que de celuy duquel vons vséz, qui est Per Ascensum: pour le moins, aux Huil-

les plus pesantes?

Pour-ceque le moyen que ie suy, toutes cheses requisés à iceluy, l'accommodront mieux das le Fourneau, & en moindres fraiz, que Per Descensum: car il seroit bien difficile, d'y appliquer la refrigeration des Vapeurs. Aussi n'ya-il espece d'Huille, tant pesante soit-elle, qui ne monte assez facillement amont, auec l'eau, qui est dedans le vaisseau de Cuiure, par la grande abondance d'icelle. De là ne tombe, par le Tuyau du Recipiant: tesmoing l'Huille de Girosse qui est si pesant, qu'il reside ainsi distillé au fond de l'Eau.

社物

1014 1

雅

del:

A

抽

(E)

de

PE

vaisseau de la Concoction de Verre, ou de Terre que de Cuiure! Veu mesme, qu'estant le Cuiure eschaussé, il peult faire sentir l'ærain à l'Huille, ou

quelque autre maunaise Qualité?

On le faict de Cuiure, de peur que si par imprudéce, on cassoit les vaisseaux estans de la Mariere quevo dictes, on ne perdit tout ce qui est dedas qui setoit grand domage. Et d'auatage, nous n'auons poinct apperçeu, que le Cuiure donnast quelque mauuaise odeur à l'Huille, veu que le Feu icy opere & besongne, non longuement, mais iustement: non lentement, mais auec impetuosité: non auec peu d'Eau, mais auec grand abondance. Lesquelles choses, s'acordans ainsi l'une auec l'autre, elles contrarient dutout à la Concoction qui a de coustume d'attirer à soy, quelque mauuaise odeur, ou quelque autre accident à sçauoir, par longueus

De tirer huille des medicam. simples. de temps, & faulte de Liqueur, & principalle. ment, si le vaisseau de Cusure, n'est estaimé. 11. En apres, à quoy seruira l'Eau, par laquelle a esté faicte la Distillation ? Elle seruira à la me ime chose, que celle, qui est distillée des Simples, par l'Alembic. Car l'Eau, qui a esté distillée par l'vn & l'autre moyen , retient l'odeur & saueur du Simple, par la force de la Concoction, qu'elle a auec iceluy Simple. Et en la distillation, qui se faict par l'Alembic, telle Eau distillée, est celle, qui (le Soleil eschauffant la Terre)a esté introduicte pour l'acroissement, ou nourriture & nature du Sim-Toutesfois en la maniere que nous vsons de distiller : l'Eau mise das le Vaisseau pareillement se messe (par la force du Feu) dans la Mariere pilée, en rapportant l'odeur & saueur d'icelle. Parquoy l'vne ne peut estre differente de l'autre, en qualité de l'odeur & saueur dudice Simple, comme ie l'ay aprins par experience. Voire-mesme, nous auons trouué, que celle, qui a esté distillée par nostre Moyen, sent encor plus fort le Simple que les autres, qu'on tire pas l'Alembic.

型等信。

Per Del-

elpece

Stale.

UV DE GU

amot

SIZER

TRIB

12. Ne pourra-on pas de ceste grande quantité d'Eau, qui est venue du Simple, en tirer vne cer taine Portion, qui ait en soy amassé toute l'odeur & saueur d'icelle, comme il adusent de l'Eau de Vie, qui a en soy, la force d'vne grande quantité de vin?

Cecy se pourra aussi en cer endroist, ainsi faire

c'est à sçauoir, si apres auoyr nettoyé le Vaisseau de Cuiure, on reiecte toute ladicte Eau, dedans ledict vaisseau. Puis ayant d'isposé & ordonné toutes choses necessaires, ainsi qu'on a faict à la distillatio des huilles des herbes, quand on verra que d'enuiron dix-sept liures, on en aura receu vne : à sçauoir, la premiere coulée: illa fauldra garder. Car elle aura en soy amassé toute la vertu de toute l'autre Eau. La raiso de cecy est, dautant que l'odeur & saueur, que l'Eau anoit tirée de la Concoction & Mixtion auec la dicte Matiere, consiste principalement en qualité chaude. Laquelle quairé esmeue par la chaleur du Fourneau, soudain vient en Hault : & s'escoule dans le Recipiant. Dont aduient, que quand celle Qualité chaude, ne peult couller dans le Recipiant, sinon auec la Liqueur, auec' laquelle est meslee, Cette premiere liure d'Eau escoulée, est celle, qui a en soy toute l'Odeur & saueur de toute la quantité d'Eau du Simple. Laquelle chose n'est gueres moins singuliere, & moins digne d'estre entendue, que ce que vous auons cy-deuant dict des Huilles. 13. Vous auez desia dit beaucoup de choses, tou-

eft

chant les Huilles tirées des Simples, & des Eaux distillées auec icelle. Mais vous ne nous auez poinct dict encor' que cest, que dict l'Huille

des Simples?

De tirer huille des medic. simples. 16 Ie dy, que l'huille des Simples n'est autre ehose, q'une cerraine Vnctuosité, ou humeur radicale (comme on dict) qui donne Estre au Simple, auquel elle est, non autrement, que faict la Forme naturelle, à l'estre, de toutes choses particulieres. Et cecy est euident, d'autant qu'apres auoir vne sois osté l'unctuosité: il ne demeure autre chose de l'espece du Simple distillée, que la Lye, Terre, & Immundices.

14. Lequel de ces deux cy, à sçauoir, de l'vnctuosité du Simple, ou de la force d'iceluy odoriserante accompagnée de la Liqueur aqueuse & naturelle (comme nous auons dict y deuant)

est nommée quinte essence?

to Earl

pole &

mand

This-

m &

Ny l'un ny l'autre, sinon par ignorance : car il nya aucune Nature corporelle au Simple, qui depende d'autre part, que de lEspece de la Chole, qui consiste en vn certain Contemperament des quatre Elemets. Car si cela se pouuoit faire, ostant les quatre qualitez: il resteroit quelque autre chose, que la Lye. Ce-qui seroit different aucunemét, tant à la Liqueur vn ctueuse que à la liqueur ignée & naturelle. Ce qui est totalemét faux, par experience. Et au cotraire, sil estoit ainsi: en remettantenséble & reioignant l'ordre, Liqueur onctueuse & ignée, ou naturelle (qui a commencement avoit este separée) Certes toutes les qualitez du Simple, ne retourneroient pas en leut premier Estre. Ascauoir en Saueur & & odeur. Mais quelque chose d'icelles se perdroit qui se pourroit nommer

quinte Essence, & à bon droict. Ce qui expareillement faux.

15. Plus, On demande, à scauoir-mon si ladicte Vnctuosité a en soy, les qualitéz des quatre Elementz! Ou celles tant seulement, desquelles elle prend sa saueur & odeur! C'est à dire se elle a seulement la chaleur & secheresse, comme

venantes de l'Element du Feu?

Ellea en soy les quatre qualitéz des quatre Elements, en-tant qu'en icelle, sont conioinctes
l'odeur & la saueur. L'esquelles ne peuuet pas estre mises en vn, ny en, deux ny en trois Elemets:
si ce n'est en quelque Chose coposée des quatre
comme l'experience le monstre. Combien que
toutes sois on ne peut aperceuoir en cet Huille
là, duquel nous parlons, les autres qualitéz si
bien, comme celle du Feu, & de l'Eau: d'autant que elles sont totalement ofsusquées, par
la puissace de sa saueur & Odeur. Et pour consir
mation de cecy, s'adiousteray encor' S'il n'ya nui
Element simple, comme sera cet huille cy Simple, estant mesme plus qu'vn Element?

16. Pourquoy tirés-vous par nostre Art tant seullemét, cet huille des Simples chauds & secz? Dautant que les autres Simples, combien qu'ilz ayent quelque chose semblable en chaleur & se cheresse: Toutesois ils n'en n'ont pas en si grade quantité. Mais au lieu de celà, ilz ont plus d'humeur aqueuse aigre, & salpetreuse ou salée. Et n'ayant en eux gueres d'Huille, on consommera à la tirer plus de Choses & de temps, que la ne-

De tirer huylles & medicam simples. 17 cessivé ne le requeroit. Neantmoins, co nbié que cecy soit vray en aucus, ie ne veux pas dire toutes sois, qu'il ioit vray en tous Simples, qui ont autre temperament. Car on pourra aussi bié titer l'Huille, par cet Att de distiller, de la semence de Pauot & de Hanebane, & de beaucoup d'autres, tant Semences, que Heib s froides de temperamét, & ayant le Suc gras, que des Simples chauds & secs.

拉沙

ine f

tte E.

17. D'ou vient que l'huille, & l'eau distillées ensemble, ort l'odeur & saueur du Simple? Comét, di-je l'huille ne retient elle toute la saueur & odeur, veu qu'elle est comme l'ame & la forme, qui done Estre audict Simple? La raison est, d'autant qu'en la concoction vehemente, il se fait vne grande dissolution, & deslimét des parties dissimiliaires: tellement, que combien que l'huille soit aqueuse: toutes sois elle ne peut rellement retenir toute l'odeur & saueur, que l'eau n'en prenne sa part, anec laquelle elle a esté dissillée: laquelle eau a la faculté de conserver aussi bien pour sa part, l'odeur & la saueur que la diste huille.

Or pour faire sin. Declarés en quel téps plus commodément on pourra cueillir pour distiller Herbes, Semences, & Aromates? Les semences & Aromates, tant plus seront fresches & recentes cueillies: tant plus rendront l'huille excellente: & principalement des Aromates. Quant aux herbes, après estre cueillies & dessechées

les pourra apres distiller commodément. Or on les cueillira quand elles sont en leur plus grand' vigueut: c'est à dire, quand elles sont en seur fleur. Que si on les distille beaucoup plus tard, qu'il n'est icy enseigne, l'huille qui en sortira, sera de la plus grand part escumeuse, & rance: & auec cela, on n'en receura pas tant. Et au contraire, si les herbes sont fresches distillées, ou recentes cueillies, elles rendront assez d'huille: par ce que leur humeur naturelle abondera: mais l'huille n'aura pas tant d'essicace, ny ne sera tant odoriferant, comme si entre ces deux extremitez on tient vne mediocrité.

19 Il me semble bon maintenant, de respodre à ceux qui demadent, si on ne pourroit pas aussi bien vser d'vn vaisseau de terre plombé, & à la façon que dessus, come d'vn de cuiure. Or premieremet ie dy,qu'il n'importe, duqueldes deux nous vions, moyennant que nous puissons d'iceux vser sans danger de rupture ou cassure, qui n'est de petite consequence, en la dissimulation des choses precieuses. Toutesfois en l'extractio d'aucuns huilles, ie dy estre beaucoup plus conuenable, vier de vaisseaux de verre, ou de vernicez & plombez, que non pas de vases de cuiure ou de Fonte, lesquelz a peyne laissent venir les huilles des matieres, qui tiennét de l'aigreur: soit, ou bien à cause, que le cuiure a vne qualité semblable: on d'vne occulte vertu & faculté, qui De tirer huylles & medicam. simples. 8 est en luy. Ce qui se pratique aux grains & pepins de Raisins, desquels l'huille se couertit plustost dans tel vaisseau en vne verde rouilleure, qu'en exhalation tenue & aërée, par quelque art & maniere qu'on y adioute le Feu. Mais en la distillation des huylles des matieres odorantes, & de saueur aromatiqe & doulce: ou bien qui sont de qualité dissemblable au Cuiure: il semble qu'vn vaisseau de Fonte, soit plus conuenable.

Et toutes fois les autres vaisseaux, qui sont de terre ou verre, & ausquelz ne reside rien de metallic, sans doute sont plus propres à tirer huilles de quelque substance que ce soit. Parquoy ie laisse libre à chascun, d'vser de vaisseaux de terre ou de verre, auec tel sy, qu'il soit d'aultant plus soigneux, qu'ils ne soient rompus ou cassez: si pour l'huille, il ne veult se contenter de Testz, & pieces de Potz cassés.

on demande encor, si l'interne Espace du col du vase & du chapiteau, d'aucun des trois vases susditz, fait perdre quelque portió dh'uille: lors que la matiere distille, ou si par l'action du seu, chaleur & vehemence du Fourneau, & de l'arene & terrasse eschaussée il se perd quelque substance oleogineuse. Certainement, il est impossible qu'il ne se consume quelque portion oleogineuse.

Ce qu'on ne peut autrement conceuoir, selon l'art des Alchemistes. Que si quelqu'vn malvsité en ces choses veut suyure autre moyen de-

sirant estre veu excellent en cet art, & quasi rapporter la victoire de beaucoup d'entreprises, peu ou point du tout luy viendront à souhait. l'artant il faut que tous studieux de ces choses,'s'arrestent aux raisons & demonstrations susdescrites. Melmes attendu, que insques à ce iour, aucun n'a trouué Chemin plus asseuté, que cestuy: soit que tu cherches és plus celebres & anciens Philosophes & Medecins mieux experimétez, ou és plus grands Alchemistes Aussi ne faut il s'esmerueiller de veoir semblable cas aduenir auy Distillateurs: comme à ceux, qui en rapportant leur huille fait au moulin, ne se mescontentent point : combien que la Meule & Pressoir, ensemble les autres instruments, leur ayent par cy, par là, dissipé quelque portio de ce qu'ilz ont eu gratuitement de Dieu.

21. D'auantage, aucuns demandent, si pour cet affaire, on ne pourroit pas vser d'vn Vais-seu bien ample, qui n'eu't point de Chapiteau, ains qui sut de la forme d'vne Vessie ensiée, lequel on exposa au Feu, entouré de Cendres, ou d'Arene mise dans la Terrace: on bien estant i-celuy sur le Fourneau, couvert d'vne Terrace: ainsi qu'ont accoustumé aucus de distiller huille des Gommes. Et ce, en observant toute la manière de Distiller cy-dessus descripte. Et si par le moyen de ceste imitation de Vaisseaux, on ne recueilleroit pas d'auantage d'Huille, que par le premier moyen?

22 Certes, on pourroit en tirer quelques gout-

De tirer huylles des medicam. simples. 19 tes d'auantage: specialement, des matieres, qui sont tardines à faire l'Huille: & desquelles encor' la portion Huylleuse, plus difficilemet par-uient en haut: & coule plus laschement par le Canal. Mais aussi il faut se donner garde (la matiere començant sort à bouillir) que tu ne trou-ues ton Recipiant cassé, ou dans iceluy vne matiere bouillieuse, au lieu d'vne plus grande quătité d'Huille, que tu esperois en recueillir.

Non sans cause, ie desire vn chacun estre aduerty, que entierement ceux se trompent, lesquels par autre maniere, que celle qu'auons cy dessus appliquée, pensent paruenir au vray Art de distiller. Mesment quand ilz enseignent d'accommoder dans le Fourneau, vn Vase fort ample, auec son Chapiteau. De sorte, qu'au lieu d'vn muy d'eau, refreschissant les vapeurs de la Distillation: luy soit allié & conioinct vn Recipiant fort capable. Et au lieu de l'inclination du nez du Tuyau, vn Canal montaut par Tortyz ainsi qu'va Limaçon, lequel sorte du premier Recipiant, & paruient apres au Recipiant de l'Huille distillée, lequel à bon droit, certes, nous pouuons en passant reietter, & prouuer incommode cette maniere. Car d'autant plus l'Huille que par cet Engin,ilz pensent tirer, ilz en tirent moins, s'ilz font, dy-ie telle chose, sans fraude & tromperie. La raison est, pour-ce que par telle maniere, l'Huille, qui de sa nature tend en bas, n'est aucunement ay de à monter en hault. Ains au contraire, est plus-tost retenue aux Tortyz

internes du Canal, ou contraincte de redescendre dans le vaisseau, contre la force du Feu, auec lequel elle deuoit monter, ou il se recuit : & en fin se resoult en fumée. Tant s'enfaut que par ce moyen ilz facent plus grand gain, ou amafsent plus grand quantité de cet huile. Lequel s'il est possible, nous estimons devoir estre sain & entier, sans aucune corruption que ce soit:comme aussi nous-nous esuerruons de le faire. Que si toutesfois, quelques-vns n'approuvoient en cecy nostre tradition: nous leur conseillons (mis arriere tout ce qu'auons peu leur enseigner) se transporter en l'escole des Empiriques : lesquelz leur apprendront à prix faict, à metrre les matieres en infusion, ou les detréper, auec eau de vie: ou vin pur, comme ailleurs nous l'auons declaré, ou bien y messer quelque huile, comme au Tartare: on quelque chose qui resente les Mineraux: qui moyénant son aigreur, puisse separer & dissoindre les parties similiaires du Sim-ple.

Apres telle preparation, si ie ne suys trompé, ces gentils distillateurs tireront assez sussissamment huilles de leurs mesmes matieres, si deuat que la matiere soit preste à distiller, ils tiennent le vaisseau où elles sont encloses, bien estouppé & fossoyé en la terre, ou plongé en l'eau tiede: à sçauoir, s'il est croyable, pour chasser la corruption & pourriture, ia en icelles conceuë. Que si quelq'un vient à user de cette maniere de distillation: principalement, en ce qui cocerne la medecine: Ie laisse à iuger aux plus doctes

De tirer huylles & medicam.fimples. & lages Medecins, auec quelle seureté ils s'en pourrot serair en leurs Cures. Ayat traicté par cy deuat tous les poinctz qui sembloiet appartenir à la distillatió des vegetaux, & pouuoiét empelcher mesmemét les espritz plus curieux, ie n'ay estimé aliene de mo intétion, y aiouter pour coclusió du present hure, vne experiéce singuliere, laquelle sera facile à entendre à vn chacun studieux de cet art qui est, & traictevne maniere de tirer sel des eaux & materiaux restez de chascune distillation, laquelle espece de sel, qui seruira aux humains pour l'vsage de diuerses choses selon la varieté du temperamet & des facultés du simple duquel il sera extraict. Dequoy laissant voluntiers le jugement aux mieux versés en la medecine, i'entreray en matiere, & montreray le vray chemin pour paruenir & atteindte tel but.

Donques il faudra prendre les feces & excremens d'vn chascun vegetable, duquel tu auras distillé l'huile: pour exéple, de la Sauge. Et icelles desseichées, tu les redigeras en cendres, prenant sur tout garde, qu'il n'y ayt rié de messé parmi icelles, les quelles tu garderas susques à ce que l'eau que tu auois tirée auec l'huile du mesme vegetable, duquel sont les cédres ait esté distillée das vn mesme vase, come on sait en l'eau de vie. De laquelle susdicte eau en prédras seulemet vne petite portio: sçauoir est, la plus nette & prof strable à to œuure, come par exéple, de xx. sures q tu aurois encloses dans le vaisséau, tu n'é tires dedans que quatre: mesmement les premières di-

stillées: pour autant que cette portion, combié que de quantité surmonte, soit moindre: toutes fois en verta & force, la plus grande partie, qui reste dans le Vaillean. Cela advient de ce que cetre portio fenle, semble garder & retenit plus parfaictement les proprietes du vegetable, auec lequel elle auon enté infuse. Ce fant, tu mesleras tes cendres auec cette portion d'eau, en faisant des deux ensemble, vne lexine artificielle, laquel le passe par le feultre, & esclairçie, la feras à petit feu recuire, comme on faict la saulmure, pour en tirer du sel. A.nsi l'eau eusporée : ce qui demeurera au fons, & à l'entour du vale interieurement, sera ce que nommons, sel : ayant quasi semblable nature, vertu & qualité, que le simple des residences, duquel ce sel est extraict : lequel fans double sera tref-vul & conuenable a la cure & guarison de beaucoup de maladies, si on en vie par l'ordonnance des mieux apprins, & exercez en la Medecine.

Fin du premier Liure.



TRAICTE

DE LAVRAYE.

ET GENERALLE MANIERE, DE TIRER HVYLLE DES BOYS

Olcogineux, & Gommes.

Par laques Besson.

PREFACE.



V precedent Liure, que l'auois l'an 15,9 selon mon pouvoir mis en lumiere, de la nouvelle, exacte & briefue maniere de tirer Huylles, & distiller Eaux, de plusieurs

vegetables oleogineux: ie ne m'estois deliberé de toucher, ny traister aucunement de cette excellente & compendiense forme de tirer Huylles, de toutes especes de boys Oleogineux & Gommes. Si a ce, ie n'eusse à la requeste de mes plus affectionnez & chers amys esté induit: & pareillement de la pieté & affection charitable, que ie porte à ceux, qui nous doiuen t ensuyure,

Partant, ie supplie (en tant qu'il est en moy) tous studieux des bonnes Disciplines, vouloir de telle affection lire noz Oeuures qu'elles leur sont par moy presentées: en considerant mesmemét, que de plain gré & franche volonté, ie leur sais part, de ce que leur pourroit couster assez grand prix. Et si par apres, i'ay cognoissance, que n'aye fait plaisir aux ingratz: ie ne craindray des rober de mes plus serieuses affaires, quelques veilles, pour en sin mettre la dernière main à cet Oeuure, en enseignant encor' suyure des Mineraux la voye & certaine manière, de tirer huylles.

Mais touchons à nostre but, & briefuement: & selon la verité disputons des boys oleogineux & Gommes. Doncq' & premierement faut noter, que le téps, la maniere de preparer les vaisseaux, le Fourneau, le Feu, & les matieres, sont diuerses de celle, que nous auons suyui en la distillation des vegetables, contenuz au premier liure, comme cy apres nous declarerons plus a plain. Et la raison de cette diversité, est, que la substance Huilleuse des Boys & Gomes, estat à cause de sa viscosité, plus tenare & adherente: se faict auec plus grands fraiz, & se tire, & recueille à plus grand peyne, difficulté & industrie, que non pas les semences & Plantes, que nous auós traictées au precedent liure. Car d'autat que la Nature est plus tardine à produire que lque cho se: Aussi à celles cy pareille mant (si nous voulos ce deuëment considerer) elle a quelque secret occult & caché, pour estre tousours plus admiDe tirer huylles & medicam simples.
rable aux entendemés humains: & faire que ses secretz & misteres, leur soient en plus grande re uerence. Or' pour plus auat entrer en besongne Ie soubscriray vne generalle division des Gommes, & des Boys. Et diray, que des Boys distillatifz, les aucuns sont robustes: come le Rosmarin, sauinier, Genieure. Les autres se prénét des plus gros Arbres: come du fresne, du Serment, graine ou boys & autres semblables. Outre plus, aucus d'iceux sont mieux Odorans, comme le Genieure: les autres plus mal, comme la Sabucer, & autres. Aucuns sont indifferens, qui ne sleurent bon, ny mauvais: comme la Gajac, serment, & autres semblables.

Ainsi faut il estimer de toutes sortes de Gomes: à içauoir, les aucunes porter & rendre tressuaue odeur: come le Stirax-calamite: les autres, fort griefue comme le Galbane. Il yen a aussi autres indifferens comme le Mastic, & ceux de toutes ces especes & qualités, aucunes auant qu'estre encloses és Vases distillatoires, se resoluent a petit feu auec leur Huille propre, ou autre comune & conuepante à leur nature : à sçauoir celles, qui sont de chaud & sec Téperament, & bié tenaces: come est le Mastic, la Therebentine & la cire. Combien que ie n'ignore iceux estre chaudz & humides. Les autres se resoluét par la distillation, auec quelque liqueur: mais non vnctueuse, come la Myrrhe, la Gomme-arabique. Toutes-fois pour mieulx dire: plustost se couertissent en substace glueuse, qu'en oleogineuse &

vnctueuse. Non pour autre cause a mon iugement, sinon qu'elles sont de Temperature plus froide & seiche.

Aucunes Gommes sont, qui se resoluent en & de toutes les deux manieres susdictes : à sçauoir toutes les Liquides, come la Therebentine le Styrax-liquide, & les autres. Ce qui aduient à mon iugement, pour la tenuité de leurs parties lesquelles communiquent & participent plustost d'vne qualité aërée, que terrestre. Doncq' m'estant propolé de traicter & escrire generalement de toutes les choses susdictes & methodiquement, en tant que la difficulté du present subiect me le permettra. l'ay bien voulu aduerrir tous studieux & curieux de cette science & art, que à ceste charge m'a grandement incité Pierre Porret, nostre singulier & bon amy, tant pour estre natif du mesme Pays dont ie suis, tome aussi pour la familiarité & communication de noz estudes. Lequel certes, i'estime & respecte, comme tres experimenté en la Pharmacopée & en l'art de distiller, & non sans cause, ie doubte que en tout ce Royaume de France,il y ait homme qui le puisse egaller. De Paris, en la maison de Philippes Lo, Apotiquaire, demou rant és faulx bourgs sain & Iaques.

Ioannis del 'Orme, Molinenfis Boij, ad Iacobu Bissonium Epigramma.

V Nius veteres inuenti nomine claros,
Prisca sides voluit, numinis esse loco.
Quid te Bissonij calles, qui tanta nouorum
Experimenta, libens, indigenisque tradis?
Christicolas, at nos tali ve dignemur honore
Haud sas, communis quem manet interitus.
Sed tamen hoc salté testamur: Dignior ipse es
Quem Regissummum, summa manus faciat.

Alca-

PALIES

Le mesme I. de l'Orme, au Lecteur, Sonnet.

Pour cet œuure auoir veu de Besson seulement, Lecteur, ne donne pas si à coup ta sentence De l'engin, du sçauoir, ou bien de l'ignorance Que tu penserois estre en son entendement.

Encores qu'il soit tel, qu'on ne peut iustement Sinon l'en admirer: Pourtant l'experience De ses inuentions, monstre mieux sa science: Tesmoin son Cosmelab, nay tout nouvellement:

Et si fera encor', qu'en bref tu pourras veoir Mille braues engins, preuue de son sçauoir: Dong' estime sans plus, enuers toy sa largesse,

Qui t'enseigne pour rien ses distillations: Au lieu qu'il amassoit des autres nations, Pour leur monstrer cet Art, vne grosse richesse.



DELASTRVCTV-

RE DV FOVRNEAV ET VA-

en l'extraction des Huilles des Boys Oleogineux, & Gommes.


CHAPITRE I.




A maniere de tirer les Huiles des Boys oleogineux & Gomes, me semble aucunement disserer de celle, que nous auons explicquée au precedent liure: tat en la stru-

cture & composition du Fourneau: comme en la maniere, sorme, & collocation des vaisseaux. Premierement donc, la structure du Fourneau que nous preparons pour cet ouurage, doitestre entierement semblable, à celle qu'auons descripte au premier siure: excepté de la partie superieure: en laquelle nous voulons le Vaisseau e-

De tirer huylles des medicam. simples. stre mis. Partant doit estre enuiro le tiers moindre de capacité & grandeur, que celle du premier Fourneau precedent. Et à la partie la plus commode du col du Vase dot on se pourra aduiser, faudra faire vne sente & ouuerture, pour plus aisément situer & disposer le col du vaisseau. De la quelle la largeur soit de quatre doigrs & la hauteur ou profundité, de sept : comme le monstre la figure A. Quant à la forme du vaisseau: il faut qu'il soit de verre, ou bien de terre: & au dedans vervicé & plombé:representant la figure d'vne vessie. Duquel la capacité interieure, puisse tenir douze liures d'eau: ayant aussi vn col de pied & demy: ou d'yn pied pour le mois: long & courbé en bas: lequel soit divisé en deux parties: desquelles l'vne depuis le ventre dudict vaisseau s'estende insques à six doigts de longueur: & de groffeur telle, que par son orifice, on puisse mettre la main dedas ledict vaisseau, pour le nettoyer. Et l'autre s'amenuisat tousiours iusques au bout, qui s'infere & ioingt à la premiere partie, moyénant quelque glud, ou cymét de Bol-armenic. De sorte qu'ils puissent estre annexés & separés, quand besoing sera. A la partie posterieure du dit vase, faut aussi qu'il y ave vn Tuyau & canal, de mediocre grandeur, tendant en haut: qui entre ses autres commodités, seruira pour mundifier le vaisseau, n'estans contrains de rompre tant de vaisseaux que nous ferios autrement: vn seul nous seruant pour beaucoupde foys. Tout cecy plus facilement tu entedras par



la figure B. Parquoy ie feray sin quant aux tetrines, & de l'arene, ensemble à ce necessaites: tant pour estre chose asses vulgaire & comune: comme aussi pour en auoir asses amplement escrit au paravant. Ce qui est cy dessus, suffira quant à la composition & structure du Fourneau, & la forme & maniere des vaisseaux.



demen

que celuy qui voudra tirer hu-Lilles de quelque espece de Bois oleogineux, tout premieremet amenuise so bois auec le tour: non pas auec la Scye, on aucun autre instrumét trenchant:ne aussi le redige en pouldre. Car en bouillant, elle s'enfle par trop : comme aussi les morceaux diusés par trenchans, en autres in-Arumens, à peine & difficulté rendent huilles. Partant il vault mieux faire en la maniere susdine Et pour certain le succés de telle entreprinse viédra à souhait Dong' il faut mettre selon la coustume, dans vn vaisscau, deux liures de bois depecé auec le Tour: & autant d'eau de vie, pour l'infusion & maceration. Et ce, par l'espace de quelque iours doit estre faict: à cause que ladite eau, est de substance fort veile & tenue. De façon que sans aucune difficulté, elle penetre (ayant cette proprieté de separer, & deraciner l'huille de son propre subiect) plus aisément que aucune autre liqueur: & opere en telle sorte, que aucunement elle ne change ny corrompt la nature de la dicte huille : pour autant qu'elle conuient & approche bien prés dutemperament des huilles. Aussi qu'en distillat, elle sort la premiere & s'amasse dans le recipiat : & se garde longuement (comme plus amplemet il lera icy après de duict). Ainsi par-apres, l'huile toute seule & pure, se distille. Voire en telle quaité, que de quelArt & moyen

ayant osté premierement de dessus le feu, le vase
que nous auons dit deuoir representer vne vessie. Duquel il faudra dissondre le Col, & en tirer les Fæces, ou Excrement y restez. Puis apres,
les detremper tant de fois, que les ayant passées
par vne Estamine & recuittes, elles sortent comme Boulie: laquelle seruira de remede pour beau
coup de Maladies. Cecy soyt dit en general, de
la manière de tirer huilles des boys oleogineux.

Maniere de tirer Huilles de toutes especes de Gommes liquides.

CHAP. 3.

TOVLANT traicter d'une nouuelle ma-V niere, & non encor (que ie sçache) d'aucun par cy deuant expliquée de tirer, & distiller Huille de toute sorte de Gommes liquides. Pre. mierement ie diray, ce-que par ce nom, gomme liquide, est entendu. Cest à sçauoir, toute substance visqueuse, laquelle distillée de quelque espece de Plante, à peyne peul t estre contenie en ses propres confins & limitez. Comme est la Therebentine, le Stirax-liquide : & autres semblables. Desquels quiconque vouldra tirer Huille, fault qu'il y procede en ceste façon. Par exemple: qu'il prenne deux liures de Therebentine, auec huit liures d'Eau, bien claire. Le tout enclos dans le Vase cy dessus escrit. Au reste tu suyuras diligemment toute le maniere tra-

De tirer huilles des medicam. simples. duicte cy dessus, pour mer Huilles des Boys oleogineux. Et si tu le fais, l'huille que tu recueilleras, sera tres-pure & nette: de couleur fort claire & lucide : à odorer , plaine & suaue : au goust, gratieuse. Toutes lesquelles qualitez ne se trouvent point en l'huille (quoy que tirée de mesme espece de Matiere) faicte & distillée selon la comune & vulgaire maniere. De quoy si on demande la raison. Cela se faict, à cause des qualitez de l'Eau: laquelle tempere la chaleur emprainte aux Marieses, par la vertu du foit & chaleur du Vaisseau : lesquelles autrement eussent peu conceuoir vug Empireume : n'eust esté l'humidité de l'eau. Aussi, que ladicte Huille, entre dans vn Recipiant, demy plain d'Eau fresche, qui pour cet effect apporte vn grand amandement Desquelz suldicts moyens, destituez les communs distillateurs ne sçauroient, suyuant leur maniere, faite Huille que les gens de bien puissent approuuer: pour estre icelle, de fort mauuaise odeur : de goust mal gratieux & de couleur noirsissant & iaunatre: De sorte, qu'a nec seureté, on ne pourroit seulement en appliquer aux parties externes du corps humain, encor' moins, en prendre par la bouche en breuage, sans danger du Malade, qui en vseroit. Au contraire: celle que nous avons enseigné de faire selon nostre Art, peult remedier aux Maladies interieures, & sans degoust du Patient luy peult estre exibée à boire. Aussi, à fin que aucun ne soyt en doubte du temps que la Distiliation

sera acheuce: fault se prendre garde, quand il ne conlera plus rien de la vessie, dans le recipiant. Car alors sera parfaicte & accomplie la distillation, de la meilleure & plus excellente huille. Combien que si quelqu'vn auoit enuie d'en tirer des Matieres restées dans le vaisseau,il pour roit ce faire aysément, en iectant dans ladicte ves sie du Plomb, en petitz morceaux, iusques à vne once. Et ce, par le Tuvau posterieur dudict vaisseau. Lequel aussi tost que le plomb iecté, ne fau dras de bien estoupper. Et estant ledict plomb fodu il resoudra les reliques des gomes. De sorte que tout ce-qui y sera d'huilleux, coulera come l'huille, que tu recepuras dans vn autre recipiat. Quoy paracheué, tu aduiseras d'oster du Fourneau ta vessie ou courge, auec la plus grande dex terité, & industrie qu'il te sera possible. n'oubliat à bien icelle nettoyer, pour en autres & pareilz vsages t'en seruir qui est le tout que i'ay à te dire en cet endroict, touchant telle chose.

De lextraction des huilles, de toutes especes de gomme dur e, qui ont besoing de guelque buillle, & de moyenne chaleur, pour estre amoliées, & liquisiées.

CHAP. 4.

Cment diuers temperament que celuy des lequides, ont aussi diuerse consistence, & font

De tirer huille des medicam. simples. plus de peyne à celuy qui en veut tirer huille, que non pas les liquides: à cause qu'ilz se resoluent difficillement, & ont besoing de quelque sorte d'huille, & mediocre chaleur pour ayder à eux amollir: à fin que par apres, plus ay sément on en tire de l'huille. Aussi quant à cela premierement faut noter, que d'icelles, aucunes sont plus constipées & plus facheuses à resouldre, comme l'Encens: le Benioin. Aucunes moings & plus aisées à liquisier, comme la Cire. Aucunes moyennes entre les deux, comme le Mastic. Et toutes ces susdictes Gommes, selon que plus ou moings elles sont difficilles à se resoudre, on les amollit auec les moyens que nous auons mys cy dessus, & en mesme proportionien les distillant on vie du feu , auec vne action plus lente:n'omectant rien au surplus, de tout ce qui aux precedens chapitres a esté recensé, pour distiller huille des gommes liquides : excepté, en l'eau, laquelle tu ne mectras iamais dans la vessie auecq' ses matieres : atteudu que telles gommes endurent fort difficillement l'eau, pendant qu'encloses dans le vaisseau, elles soustiennent la violence du feu. Mais au lieu d'eau, on y peult mettre iusq ues à trois onces d'huille de therebentine : tant à cause que cet huille est trespure, & distillée par mediocre chaleur (ainsi qu'il a cy dessus esté diet) comme ayant vne proprieté plus voifine de la nature de ces gommes Doncq'il séble plus conuenable d'en vser, pour la distillation de ces matieres : & pour corriger Diiii

eladi.

leur dureté. Aussi que par ce moyen, on tirera plus d'huille, qu'en usant selon la commune maniere d'arene. Et si tu as volonté d'user en ce faict, d'autre huille que de therebentine, il ne men chault:pourueu qu'il foyt despouillé de toute couleur & odeur, tant qu'il sera possible. Toutesfoys parce moyen tune profiteras d'atrantage, que par le precedent. Car il y a encor' quelque sorte de gommes, tant facheules à se resouldre, comme est l'écens qu'i fault de mesme façon en tirer huille, que des feçes & excremés de therebentine : à sçauoir en iectant dans la Vessie par le tuyau posterieur, des petitz morceaux de plomb. Mais en leuant aussi vn peu plus hault le col de vessie, qu'en la distillation de la therebentine, & boys oleogineux. Et en ceste façon, apres que la matiere sera eschauffée, indubitablement tu verras quelques onces d'huille nager au dessus de l'eau du recipiant. Lesquelles, pour-autant qu'elles sembleroient de mauunaise odeur, & insuaues au goust, a: cause de l'aduste qualité y emprainte par la vehe mence de la chaleur, lors enclose dans la vessie, il les faudra corriger par changement d'eau froi de dans: le recipiant, en les gardant pour l'usage que ie vien cy apres declairer. Ces choses tusdites bien entendues: tontes les fois que tu voudras auoir plus grade quantité d'huille, & plus claire & plus excellente: tu prendras deux liures des mesmes matieres & gommes, qu'estoit. l'huille que tu gardois. Et les mettras dans la

me

De tirer huilles desmedicam. simples. vessie, bien nettoyées, qu'il conuiendra remettre sus le feu, en sorte que son col panche vn peu en bas: & en peu de teps (voire las grade vehemêce de feu)il se fera vne matiere de Beurre: laquelle fleura en asses grande abodace, quasi de moyenne consistence entre la gomme & l'huille aupar-auant distillée. De rechef, prendras ceste matiere Beurreuse, & la mettras dans ta "essie, l'ayant premierement tresbien nettoyée. Puis pour la seconde fois, la meuras sur le Fourneau auec quelques onces d'Huille purgée, que tu au ras premieremet tirée de la melme espece de gomes. Par ce moyen, & l'ayde d'un feu mediocre que tu y adiouteras, tu retireras autant d'huille (voire tref-ex quis) que l'art & la nature t'é pourroient ensemble donner. Doncques, de cecy est manifeste ceste voye, & maniere derniere enseignée, estre seule receuable : sans auoir esgard aux fraiz (come aucus rustiques ont) mais à lex cellece laquelle en tous arts, & experience nous doibe principallement estre proposee. Et aussi par la mesme voye, l'Ambre, la pierre dite Gagares, le Soulphre, & autres semblables especes puluerisées peuvet estre dystillées. Come séblablemet, on peut faire de l'huille comune estat premieremet bie nettoyée & purgée dans vn vaisseau de plomb, ou en eau tiede. Or'ilsuffira de cecy, touchant les especes de gommes plus dures, que celles dot a esté cy deuant parlé: & lesquelles ne peuvent estre mollifices, sans la mixtionede quel que sorre d'huille, & moyenne chaleur de feu.

De la maniere de tirer vne matiere visqueuse, en lieu, d'huille, de toutes especes de Gommes, qui se resoluent plustost auec humeur aqueux, que oleogineux: comme la Myrrhe, le Stirax-cala mite & autres semblables.

CHAP. - 5.

ARCE qu'aucuns ne sont honteux de vendre communement vne liqueur, plustost vne matiere crasse & visqueuse, pour huille distillée des gommes, dont maintenant nous vou-Ions traicter. Premierement, ie montreray par raiso, que matiere, est huille. Apres, quelle qu'elle soyt, l'éseigneray l'art & maniere de faire. Toutes substaces qui meritet le nom des huilles, faut ne cessairement qu'elles l'accordet communemet de temperament & qualicez:à sçauoir chault & humide auec l'air. Celles qu sont de ceste sorte conçoiuent aisément le feu: voire d'autant qu'elles sont proches de la nature de l'air, elles rendét plus grande abondance d'huille: & au contraire pour-autant que de leur chaleur elles communicquent auec le feu, aussi leur humidité luy seruent de pasture. Mais la matiere, qui vtayement est tirée de ces especes de gomes, desquelz nous parlons maintenant, ne l'enflame poin &. Et partant ne doit estre estimée (au moings des gens sages) pour huille. Que si ancuns vouloyét asseurer celte matiere combustible, ie m'en raporteray à lexperience : que je suis certain de-

De tirer huille des medicam. simples. uoir contreuenir à leurs dictz, moyennant que sans fraude elle soit faite. Car ie n'ignore point aucuns estre si éhontez, & impudens tropeurs, qu'ilz ne se feignent de mesler parmy cette matiere, de l'eau de vie, huille comune, ou liqueur, combustible: laquelle matiere autrement d'elle mesme, difficilement prendseu. Parquoy ne fault pour cela attribuer, ny au temperament de cette matiere, ny à ses qualitez, cobustilite. Ains plustost à la liqueur brulable, (i'vseray de ce mot qu'ilz y ont en cachette meslé.) poncques il faut diligément aduiser, que ces imposteurs ne nous deçoiuent & abusent, & qu'en lieu de ce que nous demandons.ils ne nous donnent quelque autre chose adulterée, propre à s'enflamer. Ce qui aisément se congnoistra, lors que nous aurons entendu lartifice, que ie veux icy descrire. Et pour commencer, il faut prendre des œufs bien fraiz, & les ayant dans de l'eau chaude fait fort durcir, les fendre par le milieu, & en tirer les moyeulx, ou iaulnes: aux lieux desquels, par apres tu mettras autant de Gomme, & ce deuat qu'ilz soyent refroidiz. Apres en reioingnant les deux moyties de chascun, & y faisant vn trou au bout plus menu, tu les prendras en vne caue, afin que par l'humidité du lieu, la gomme y enclose (soit Mirrhe, ou Stirax-calamite) plus facilemét ne se resolue: & mettras soubs chacun vne fiole dans laquelle fluera vne matiere, ressemblant au miel, ou glus liquide.

Ce faict, prés ce g'aura esté distillé desdits œufs,

dans vne fiole: & icelle bien estoupée, couure la profondement de fient de cheual, afin que par sa chaleur (propre pour alterer & corrompte la qualité de cette matiere visqueuse) soit corrigée, & rendue plus humide, & semblable à l'huille. Laquelle matiere aussi puis apres, par beaucoup de distillations tu cuiras en la vessie & purgeras de toute ordure. Ainsi se recueillira chose fort ressemblate à l'huille, soit que tu en juges de l'attouchement, ou à la couleur, ou que ayes esgard à ses effectz, en la cure de quelques playes. Docques, il ne faudra s'esmerueiller, si plusieurs en vsent pour huille, mesmement meslee auec quel que liqueur brulable, pour la faire enflammer. Ce qui autrement n'aduiendroit (comme nous auons au-parauant dit) tesmoing l'experience. Mais attendu que ce ne sont que vrayes impostures: à mon iugement il seroit meilleur, les curieux de ces choses se contenter de cer humeur visqueux, receu dans des fioles, qu'auec tant de labeurs chercher (comme on dit) des nœudz en vn ionr. Que si aucues toutes sois auoient en affection de tirer de ces gommes quelque substace combustible: & ne le vouloient contenter plustost, que d'auoir tiré chose semblable : ilz pourront par le moyen qui s'ensuyt satisfaire à leur desir. Doncques, dessus vn marbre bien poly, faut qu'ilz brisent menu leur gome, soit Mirrhe, ou Stirax-calamite, & la redigent en pouldre aussi subrile, qu'ont accoustumé les peintres rediger leurs couleurs. Apres, la faudra mesleraDe tirer huille des medicam. simples.

nec quelque huille, qui luy conuienne de temperament, comme de Therebétine, cire, ou huille commune, purgée en la maniere que cydessus nous auons enseignée: iusques à ce qu'elle resséble, Boulie: laquelle mise dans la vessie, il te fautra puis apres distiller: & ce qu'en recueilliras, aisément s'enstâmera. Mais qu'il se puisse vrayement ou non, appeller huille de gomme: i'en laisse le iugement aux autres. Et voilà la maniere, par laquelle on peut dissouldre ces especes de gomme, qui se resoluent par humeur aqueux, non oleogineux: à quoy ayant encores adiousté vn autre chapitre, feray sin à cet œuure, attendat l'occasion, & mon loisir plus commode.

quire)

14¢ par

MEOND

De la composition d'vn Baulme tres-suaue, co-odorant. CHAP. 6.


Jour auons cy deuant enseigné la maniere generale & exacte (entant que nostre imbecilité le nous a permis) de distiller huilles d'vn chacú vegetable, & espece de gómes: en laquelle qui se voudra employer, ay dera beaucoup, & prossitera grandement aux humains: non seulement pour guarir les playes, mais aussi pour curer & medicamenter les maladies internes, auec grande louange & admiration: qui se sera moyennant que l'on en vse comme il saut. Mais par ce que mon dessein n'est d'en enseigner l'vsage, pour n'auoir la cognoissance de medecine assez en main, aussi que l'occasion presente ny le but que me suys proposé, ne le permettent: en laissant & remettant tout cet assaite aux medecins,


le me contenteray d'asseurer, la matiere des susdices huilles estre diversé, & quelles nont aussi routes seblables facultés & vertus, que les simples ou materiaux, desquelz elles auront esté tirées, comme en mollifiant, cuisant, attirant, detergeant, ou nettoiant : & autres semblables operations: pour lesquelles on vse de medicamens. Ce que ie pourrois aisément demonstrer, n'estoit la briefueté que ie me suis proposé, & la hatiueté de mon imprimeur, qui m'en destournent. Maintenant donques, que nous acheuons le traicté des distillations (& croy que non sans le contentement & grad plaisir de ceux, qui s'en meslent): pour la conclusion du present œuure j'insereray en celieu, la façon d'vng tressuaue odorant Baulme, affin que estans d'iceluy oincts & perfuméz les distillateurs, ilz puissent effacer & aneantir la puanteur, quilz pourroient auoir endurée des diuerses matieres distillées: ou bien corriger tout mauuais air: & ainsi pourront rece uoir cotétemet de leurs labeurs endurez. Doc ques estiz les simples, qui sont plus approuuez pour confortter le Cerucan, & plus suaves à flai rer, comme des Aromates, la Canelle: l'escorce de Muscade, clouz de giroffle: & autres semblables. Des herbes, l'Hysope: le Rosmarin, la Saulge, la Lauade, le Spica-nardi, & leurs féblables. Des gomes, le Stirax-calamit, le Benioin: Lada num & autres ailleurs nommez. Desquelles matieres susdictes, tu tireras huilles, lesquelles apres situ mesle su iugement d'vn qui ayt bon nez:tu

res (


De tirer huilles des medicam. simples. composeras vne odeur de diuerses especes, que indubitablemet surpassera de beaucoup tous les trochisques & drogueries des parfumeurs. Que l'il te greuoit de distiller tant de choses: tu pourras suyure vne autre maniere (mais no peut estre si heureuse) Assauoir, il te faut rediger en poudre tres-subtile tes matieres sur du marbre, puis y instiller de l'huille, messant tousiours ladicte poudre, iusques à ce qu'elle devienne, comme en co sistence de Boulie laquelle encor'apres tu dissou dras auec eau de vie, & cinq fois autat d'eau rose. Puis le tout mis dans la vessie sur le fourneau. la distilleras à petit seu. Et ce qui t'é reviédra d'a bondant, excedera en suauité & plaisace, l'odeur de tous les simples, que tu auras esté loigneux & diligent, tant à bien proportionner tes matieres distillatives, qu'abien & seurement conduire ton entreprinle.

Fin du second liure.






Early European Books, Copyright © 2011 ProQuest LLC. Images reproduced by courtesy of The Wellcome Trust, London. 828/A/2



Early European Books, Copyright © 2011 ProQuest LLC. Images reproduced by courtesy of The Wellcome Trust, London. 828/A/2



Early European Books, Copyright © 2011 ProQuest LLC. Images reproduced by courtesy of The Wellcome Trust, London. 828/A/2